

ZAPISNIK
SA IX PROŠIRENE SJEDNICE UPRAVNOG ODBORA
UDRUŽENJA POSLODAVACA FBiH

održane dana 17.07.2017. godine (ponedjeljak), sa početkom u 12:00 časova u prostorijama kompanije INSIDE BY EĆO, Pijačna 6, Sarajevo.

Sjednici su prisustvovali članovi Upravnog odbora UPFBiH: Adnan Smailbegović, Milenko Čolak, Safudin Čengić, Adisa Karahodžić, Suhad Ećo, Ramiz Grapkić, Kemal Čolak, Izet Imamović.

Sjednici su po ovlaštenju članova Upravnog odbora UPFBiH prisustvovali: Željko Marjanović (po ovlaštenju Vilima Primorca), Darko Josipović (po ovlaštenju Tomislava Sliškovića), Emir Huskić (po ovlaštenju Nurdina Peštalića) i Samir Alić (po ovlaštenju Snježane Kopruner).

Sjednici nisu prisustvovali članovi Upravnog odbora UPFBiH: Rusmir Hrvić, Sanel Kusturica, Mario Čulina, Marin Raspudić, Ante Suton, Enisa Bekto, Nijaz Skenderagić, Eldin Hadžiselimović i Kemal Hrnjić, koji su opravdali svoje odsustvo.

Sjednici su prisustvovali članovi ESV-a za teritoriju FBiH: Zoran Gazibarić i Ivan Luburić.

Sjednici su prisustvovali i predstavnici poslodavaca: Salem Ekmešćić, Senid Gerin, Sead Alić, Ibrahim Meškić, Kemal Babić i Enver Malagić.

Ispred UP FBiH: Mladen Pandurević, Mersiha Jusić i Jasmina Kurspahić.

Sjednicu je otvorio predsjednik Upravnog odbora UP FBiH Adnan Smailbegović i predložio slijedeći:

DNEVNI RED

1. Usvajanje Zapisnika sa VIII proširene sjednice UO
2. Razmatranje Nacrta Zakona o doprinosima
3. Razmatranje Nacrta Zakona o porezu na dohodak
4. Razmatranje Nacrta Zakona o računovodstvu i reviziji u FBiH
5. Razmatranje Inicijative o ukidanju fiskalnih kasa u veleprodaji
6. Tekuća pitanja

Pod tačkom tekuća pitanja predsjednik UO UP FBiH Adnan Smailbegović kandidovao je sljedeće:

- a) razmatranje Zakona o izmjenama i dopunama Zakona o upravljanju otpadom;

- b) razmatranje Inicijative za izmjenu Zakona o privatizaciji;
- c) Prijedlog Safudina Čengića za poboljšanje rada UPFBiH.

Dnevni red je uz dopunu predsjednika UO UP FBiH jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa VIII proširene sjednice UO UP FBiH

U vezi sa ovom tačkom Dnevnog reda predsjednik UO je obavijestio članove UO UP FBiH da su dobili materijale za sve tačke Dnevnog reda uključujući i Zapisnik i zamolio da se izjasne da li imaju primjedbi. Na pomenuti zapisnik nije bilo primjedbi.

A.D.1.: Zapisnik sa VIII proširene sjednice UO UP FBiH je jednoglasno usvojen.

Tačka 2. Razmatranje Nacrta Zakona o doprinosima

Tačka 3. Razmatranje Nacrta Zakona o porezu na dohodak

Vežano za tačku 2. i 3. Predsjednik UO je predložio da se ove dvije tačke razmatraju zajedno obzirom da su Zakoni o kojima se raspravlja povezani.

Direktor UP FBiH Mladen Pandurević je upoznao članove UO UP FBiH i ostale prisutne sa Amandmanima na Nacrt Zakona o doprinosima, ističući ključne članove na koje je neophodno djelovati.

Navedene primjedbe se odnose na generalno lošu formulaciju pojmova i nedostatak definicija ključnih izraza u zakonu, neprecizan obračun dodatnog doprinosa za penzijsko i invalidsko osiguranje za staž osiguranja s uvećanim trajanjem, previsoke stope za obračun doprinosa, nesrazmjerne zakonske kazne i prevelik raspon između njih.

Istakao je da su se Amandmani mogli preuzeti sa web stranice Udruženja.

Direktor UP FBiH Mladen Pandurević je upoznao članove UO UP FBiH i ostale prisutne sa Amandmanima na Nacrt Zakona o porezu na dohodak, ističući ključne članove na koje je neophodno djelovati.

Ključni problemi i za ovaj zakon su također loša formulacija pojmova i nedostatak definicija ključnih izraza u zakonu. Zatim, jedan od bitnih amandmana je smanjenje stope po kojoj se oporezuje dohodak od ulaganja kapitala po osnovu dividendi/udjela u dobiti sa 20% na 10%, te da se primjena principa blagajne ne može koristiti u slučaju oporezivanja dohotka od ulaganja kapitala po osnovu dividendi/udjela u dobiti. Dalje primjedbe se odnose i na visoku stopa poreza na dohodak, neophodnost povećanja prihoda koji ne ulaze u osnovicu poreza na dohodak po osnovu školarine, stipendiranja, troškova prakse i obrazovanja učenika, te naknade troškova volontiranja, jer će se time omogućiti veća ulaganja u jako bitan segment društva, nesrazmjerne

zakonske kazne i prevelik raspon između njih,
Amandmani su se mogli preuzeti sa web stranice Udruženja.

Nakon uvodnog izlaganja Predsjednik UO je otvorio raspravu. U diskusiji su učestvovali svi prisutni koji su iznijeli dodatne primjedbe na navedene Zakone. Posebno je potrebno navesti primjedbu gđina. Čengića koja se odnosi na kaznene odredbe. Gđin. Čengić je predložio da se u amandmanima obavezno ugradi član koji definiše kažnjavanje odgovoren eosbe u instituciji u slučaju nepravilne primjene Zakona. Također je predložio da se u kaznenim odredbama predvidi zatezna kamata u slučaju kašnjenja za povrat pretplaćenih sredstava isto kao što je predviđena zatezna kamata za kašnjenje uplate doprinosa.

Sve iznesene primjedbe tokom sjednice su zabilježene.

Nakon rasprave doneseni su sljedeći zaključci:

A.D.2. 1.Usvajaju se primjedbe koje su date na Nacrt Zakona o doprinosima.

A.D.2.2. Stručna služba će sve notirane primjedbe ugraditi u tekst i sačiniti konačan prijedlog Amandmana UP FBiH na Nacrt Zakona o doprinosima.

A.D.2.3. Stručna služba će sazvati sastanak Pravnog i Ekonomskog savjeta UP FBiH kako bi se razmotrili Amandmani UP FBiH na Nacrt Zakona o doprinosima i sačinila konačna verzija istih.

A.D. 2.4. Konačna verzija koju pripremi Pravni i Ekonomski savjet UP FBiH jos jednom će se dostaviti svim članovima UPFBiH da daju dodatne primjedbe.

A.D.3.1. Usvajaju se primjedbe koje su date na Nacrt Zakona o porezu na dohodak.

A.D 3.2. Stručna služba će pažljivo razmotriti iznesene primjedbe i sve opravdane primjedbe ugraditi u tekst Amandmana UP FBiH na Nacrt Zakona o porezu na dohodak.

A.D.3.3. Organizovati sastanak sa Pravnim i Ekonomskim savjetom UP FBiH kako bi se razmotrili Amandmani na Nacrt Zakona o porezu na dohodak i sačinila konačna verzija istih.

A.D.3.4. Konačna verzija koju pripremi Pravni i Ekonomski savjet UP FBiH jos jednom će se dostaviti svim članovima UPFBiH da daju dodatne primjedbe.

Tačka 4. Razmatranje Nacrta Zakona o računovodstvu i reviziji u FBiH

Predsjednik UO UP FBiH upoznao je prisutne sa amandmanima Udruženja poslodavaca FBiH i istakao da su nakon sjednice ESV-a na kojoj su razmatrani amandmani UPFBiH usvojena dva

najvažnija amandmana, na član kojim se propisuju obaveznici revizije i na član koji definiše utvrđivanje naknade za reviziju.

Amandmani su se mogli preuzeti na web stranici Udruženja.

U diskusiji su učestvovali svi prisutni. Gdin. Čolak je iznio konkretne primjedbe vezano za član 37. i član 121. koji se odnosi na važenje licenci za ovlaštene revizore.

Nakon diskusije donesen je sljedeći zaključak:

A.D.4. 1. Usvajaju se amandmani na Zakon o racunovodstvu i reviziji.

A.D. 4.2. Amandmane dostaviti Ekonomsko socijalnom vijeću i Ministarstvu finansija FBiH.

A.D. 4.3. Sturčna služba će konačan tekst amandmana dostaviti svim članovima UO kako bi mogli uputiti dodatne primjedbe na navedeni Zakon.

Tačka 5. Razmatranje Inicijative o ukidanju fiskalnih kasa u veleprodaji

Predlagač Inicijative o ukidanju fiskalnih kasa u veleprodaji, Ibrahim Meškić, upoznao je članove UO UPFBiH i ostale prisutne sa navedenom inicijativom.

Naime, u ranijem periodu Republika Srpska je izvršila ukidanje fiskalnih kasa u veleprodaji (Sl.glasnik RS 65/14) i na taj način u velikoj mjeri rasteretila svoje poslodavce. Također, proširila je broj kategorija u maloprodaji koji mogu ukinuti fiskalne kase. Po ovom pitanju u FBiH do sada nije ništa urađeno i samim tim narušen je princip ravnopravnosti poslovnih subjekata u jedinstvenom tržišnom sistemu jedne države, jer FBiH i dalje ostaje pod pritiskom fiskalizacije u svakom domenu.

Cilj je ukidanje fiskalnih kasa u veleprodaji u FBiH, kako bi se postigao princip ravnopravnosti na tržištu jedne države, jer se poslodavci u Republici Srpskoj nalaze u povlaštenom položaju u odnosu na poslodavce iz FBiH.

Tokom diskusije gdn. Gerin je istakao da je potrebno razmotriti pitanje uređivanja sistema fiskalizacije. Dakle, ne mora se ići na ukidanje fiskalnih kasa već dobro urediti sistem. Naveo primjer dobre prakse Hrvatski sistem. Jedan vrlo elegantan sistem je uradila Hrvatska. Potrebno je da se radi na tehničkom rješenju sličnom hrvatskom sistemu. Dakle, umjesto preko fiskalne kase ići na tehnologiji sa fiskalnim uređajima na principu Hrvatske. Strategija informacionog društva 2004- 2010 je to predvidjela.

Nakon diskusije donešen je sljedeći zaključak:

A.D.5. Upravni odbor je ovu Inicijativu ocijenio opravdanom. Zadužuje se stručna služba da ovo pitanje dodatno izanalizira i kvalitetno i argumetovano pripremi konačan tekst. U konačan tekst je potrebno ugraditi i primjedbe gdina Gerina. Nakon toga inicijativa će biti upućena nadležnim institucijama.

Tačka 6. Tekuća pitanja

- a) razmatranje Zakona o izmjenama i dopunama Zakona o upravljanju otpadom;
- b) razmatranje Inicijative za izmjenu Zakona o privatizaciji;
- c) Prijedlog Safudina Čengića za poboljšanje rada UPFBiH.

6.b. Razmatranje Inicijative za izmjenu Zakona o privatizaciji

Predsjednik UO gdn. Smailbegović je ukratko upoznao prisutne sa ovom inicijativom o izmjenama Zakona o privatizaciji. Cilj ove inicijative je zaštita kupca kod male privatizacije. Inicijativa se odnosi na izmjene člana 27. i člana 28. sa prijedlogom da se Ugvoru o privatizacije daje snaga izvršne isprave.

6.c. Prijedlog Safudina Čengića za poboljšanje rada UPFBiH

Predlagač ove tačke Dnevnog reda, Safudin Čengić je istakao zabrinutost sa opterećenjima poslovanja u Federaciji BiH. Vlada je od usvajanja Reformske agende, donijela 15 zakonskih i podzakonskih akata, koja su dodatno opteretile poslovanje privrednih subjekata i prijedlog je da Upravni odbor UP FBiH zauzme jasan stav kojim će se izraziti nezadovoljstvo Udruženja poslodavaca što Vlada ne poduzima potrebne mjere za smanjenje opterećenja poslovanja u Federaciji BiH.

Ovo se posebno odnosi na to da je uspjeh reformi postizanje „neutralnog efekta“ koji znači da se neće dodatno opteretiti poslovanje u Federaciji BiH. Ovo, posebno, iz razloga što se u prethodnih nekoliko godina, kroz razne publikacije i istraživanja, isticala neodrživost opterećenja koja su uvedena kroz fiskalne ili parafiskalne namete, zatim povećanje stope PDV-a, te na dodatnu akcizu na gorivo.

Nakon diskusije donesen je sljedeći zaključak:

A.D. 6.a. Zakon o izmjenama i dopunama Zakona o upravljanju otpadom je skinut sa dnevnog reda obzirom da niko od predlagača nije bio prisutan.

A.D.6.b. UO je dao podršku za pokretanje Inicijative za izmjene i dopune Zakona o privatizaciji.

A.D.6.c. UO je podržao prijedlog Čengića da UPFBiH treba izraziti nezadovoljstvo vezano za uvođenje novih opterećenja za poslodavce.

Sjednica se završila u 14:30 sati

Zapisnik sačinila: Mersiha Jusić

Predsjednik UO
Adnan Smailbegović